

本草備要

金石水土部

金重鎮心肝定鬱悸

辛平有毒

生金屑服之殺人昂按金性至剛重墜與血肉之體不相宜故服之致死非其性有毒也人被金銀

灼者並不潰爛無毒可知矣精金粹玉世之寶器豈有毒氣哉

金制木重鎮怯故鎮心肝安

魂魄

雖云重墜亦藉其寶氣也古方有紅雪紫雪皆並金銀煮汁亦假其氣耳

治驚癇風熱肝膽

之病

肝經風熱則為驚癇失志魂魄飛揚肝屬木而畏金與心為子母之臟故其病同源一治

丸散用

箔為衣煎劑加入藥煮畏錫水銀

遇鉛則碎五金皆畏水銀

銀功用略同

銅綠

即銅青宜去風痰

酸平微毒治風爛淚眼惡瘡疥瘡婦人血氣心痛吐風痰合

金瘡止血殺蟲治皆肝膽之病亦金勝水之義

用醋製銅刮用

自然銅重續筋骨

辛平主折傷續筋骨散瘀止痛折傷必有死血瘀滯經絡然須審虛實佐以養血補氣溫

經之藥銅非煨不可用火毒金毒相煽復挾香藥熱產銅

坑中火煨醋淬七次細研甘草水飛用昔有創折翅雁者雁飛去故治折傷

鉛重墜痰解毒

甘寒屬腎稟壬癸之氣水中之金金丹之母八石之祖丹竈家必

用安神解毒墜痰殺蟲烏鬚制為梳以梳鬚明目鉛丹即黃丹用黑鉛加硝

黃鹽礬鍊成鹹寒沉重味兼鹽礬內用墜痰去怯消積殺蟲治驚

疳瘡痢外用解熱拔毒去瘀長肉熬膏必用之藥用水漂去鹽硝砂石

微火炒紫色難鉛粉主治略同亦名胡粉錫粉李時珍曰鉛粉亦可代鉛丹熬膏然未經

地上去火毒用鹽礬火煨又有豆粉蛤粉雜之只入氣分不能入血分也

鐵重墜痰鎮驚

辛平重墜鎮心平肝定驚療狂消癰解毒諸藥多忌之李時珍曰

補腎藥尤忌之畏磁石阜筴阜筴木作薪則釜裂煨時砧上打落者名鐵落

素問用治怒狂如塵飛起者名鐵精器物生衣者名鐵繡鹽醋浸出

者名鐵華時珍曰大抵借金氣以平木墜下解毒無他義也鍼砂消水腫黃疸散

癭瘤烏髭髮烏髭方多用之

蜜陀僧重鎮驚劫痰消積

辛鹹小毒感銀鉛之氣而結墜痰鎮驚止血散腫消積殺蟲

療腫毒愈凍瘡

用桐油調敷

解狐臭

油調搽腋以饅頭蒸熱劈開搽末夾腋下亦佳

染髭

鬚

出銀坑難得今用者乃傾銀鑪底入藥煮一伏時

丹砂

重鎮心定驚瀉熱

體陽性陰

內含陰汞

味甘而涼色赤屬火

性反涼者離中虛有陰也味不苦而甘者火中

有土也

瀉心經邪熱心經血分主藥

鎮心清肝明目發汗

汗為心液

定驚祛

風辟邪

胡玉少卿多惡夢遇推官胡用之胡曰昔常患此有道士教戴靈砂而驗遂解髻中絳囊授之即夕無夢

解毒

胎毒痘毒宜之

止渴安胎

博救方水煮一兩研酒服能下死胎李時珍曰同遠志龍骨之類養心氣

同丹參當歸之類養心血同地黃枸杞之類養腎同厚樸川椒之類養脾同南星川烏之類祛風○多服反令人癡呆

辰產明如箭鏃者良

名箭鏃砂

細研水飛三次用

生用無毒火煉則有毒服

餌常殺人

惡磁石畏鹽水忌一切血

鄭康成註周禮以丹砂雄黃石膽礬石磁石為五毒古人

用以攻瘍

水銀 重外用殺蟲

辛寒陰毒功專殺蟲治瘡疥蟻蝨 性滑重直入肉頭瘡切不可用恐入經絡令人筋骨

拘攣解金銀銅錫毒 能殺五金墮胎絕孕 從丹砂燒煨而出畏磁

石砒霜得鉛則凝得硫則結併棗肉入唾研則碎散失在地

者以花椒茶末收之

輕粉 燥劫痰涎外用殺蟲

辛冷 時珍曰殺蟲治瘡劫痰消積 能消涎積十棗湯加大黃

善入經絡癰瘰藥多用之不可過服常用 時珍曰水銀陰毒用火煨丹砂而出

再加鹽礬煉為輕粉輕揚燥烈走而不守今人用治楊梅毒瘡雖能劫風痰溼熱從牙齦出邪鬱暫解然毒氣竄入經絡

水銀 輕粉 空青 雲母 三 金石水土部

筋骨血液耗亡筋失所養變爲筋攣骨痛癰腫疔漏遂成廢
痼貽害無窮○上下齒齦屬手足陽明腸胃經毒氣循經上
行至齒齦薄嫩之處而出
土茯苓黃連黑鉛鐵漿陳醬能制其毒

空青

重明目

甘酸而寒益肝明目通竅利水 產銅坑中大塊中空有水

者良

雲母

補中

甘平屬金色白入肺下氣補中堅肌續絕治勞傷瘧痢瘡腫

癰疽

同黃丹熬膏貼之千金翼用傅金瘡青
城山人康道豐有雲母粉方能治百病

有五色以色

白光瑩者爲上古人亦有煉服者

雲母入火經時不焦入使
土不腐故云服之長生

澤瀉惡羊肉

石膏體重瀉火氣輕解肌

甘辛而淡體重而降足陽明經胃大寒之藥色白入肺兼入

三焦諸經氣分之藥寒能清熱降火辛能發汗解肌甘能緩脾益氣

生津止渴治傷寒鬱結無汗陽明頭痛發熱惡寒日晡潮熱

肌肉壯熱經云陽盛生外熱小便赤濁大渴引飲中暑自汗能發汗又能止

白舌焦胎厚無津牙痛陽明經熱為末擦牙固齒又胃主肌肉肺主皮毛為發

斑發疹之要品色赤如錦紋者為斑隱隱見紅點者為疹斑重而疹輕率由胃熱然亦有陰陽二證陽證

宜用石膏又有內傷陰證見斑疹者微紅而稀少此胃氣極虛逼其無根之火游行於外當補益氣血使中有主則氣不

外游血不外散若作熱但用之甚少則難見功白虎湯以之為君或自一

治死生反掌醫者宜審兩加至四兩竹葉麥冬知母粳米亦加四倍甚者加然能寒

芩連藥名三黃石膏湯虛者加人參名人參白虎湯金石水主部

胃弱血虛及病邪未入陽明者禁用

成無已解大青龍湯曰風陽邪傷衛寒陰

邪傷營營衛陰陽俱傷則非輕劑所能獨散必須重輕之劑同散之乃得陰陽之邪俱去營衛俱和石膏乃重劑而又專達肌表也○質重氣輕又成氏以桂麻爲輕劑石膏爲重劑也○東垣曰石膏足陽明藥仲景用治傷寒陽明證身熱目痛鼻乾不得臥邪在陽明肺受火制故用辛寒以清肺氣所以有白虎之名肺主西方也按陽明主肌肉故身熱脈交額中故目痛脈起於鼻循鼻外金燥故鼻乾胃不和則臥不安故不得臥然亦有陰虛發熱及脾胃虛勞傷寒陰盛格陽內寒外熱類白虎湯證誤投之不可救也按陰盛格陽陽盛格陰二證至爲難辨蓋陰盛極而格陽於外外熱而內寒陽盛極而格陰於外外冷而內熱經所謂重陰必陽重陽必陰重寒則熱重熱則寒是也當於小便分之便清者外雖燥熱而中實寒便赤者外雖厥冷而內實熱也再看口中之燥潤及舌胎之淺深胎黃黑者爲熱宜白虎湯然亦有舌黑屬寒者舌無芒刺口有津液也急

亦名寒水石

時珍曰古方所用寒水石是凝水石

唐家諸方用寒水石卽石膏凝水石乃鹽精滲入土中久結成清瑩有稜入水卽化辛鹹大寒治時氣熱盛口渴水腫

瑩白者良研細甘草水飛用近人因其寒或用火燉則不傷

胃味淡難出若入煎劑須先煮數十沸雞子爲使忌巴豆鐵

滑石 滑利竅通行水體重瀉火氣輕解肌

滑利竅淡滲溼甘益氣補脾胃寒瀉熱降心火色白入肺上

開腠理而發表 肺主皮毛 下走膀胱而行水通六腑九竅津液爲

足太陽經本藥 膀胱 治中暑積熱嘔吐煩渴黃疸水腫腳氣淋

閉 偏主 水瀉熱痢 六一散加紅麴治赤痢加乾薑治白痢 吐血衄血諸瘡腫毒

爲蕩熱除溼之要劑消暑散結通乳滑胎 時珍曰滑石利竅不獨小便也上開

腠理而發表是除上中之溼熱下利便溺而行水是除中下

之溼熱熱去則三焦寧而表裏和溼去則關門通而陰陽利
矣○關門分別清濁乃小腸之下口○河間益元散通治上
下表裏諸病蓋是此意益元散一名天水散一名六一散取

滑石 朴硝芒硝 金若水主部

天一生水地六成之之義滑石六錢甘草一錢或加辰砂○
滑石治渴非實止渴資其利竅滲去溼熱則脾胃中和而渴
自止耳若無溼小便利而渴者內有燥熱宜滋潤或誤服
此則愈亡其津液而渴轉甚矣故好古以為至燥之劑

白而潤者良石韋為使宜甘草

走泄之性宜甘草以和之

朴硝芒硝

朴硝即皮硝大瀉潤燥軟堅

辛能潤燥鹹能軟堅苦能下泄大寒能除熱朴硝酷澀性急

芒硝經煉稍緩能蕩滌三焦腸胃實熱推陳致新

按致新則瀉亦有補

與大黃同蓋邪氣不除則正氣不能復也治陽強之病傷寒

經曰人之傷於寒也必病熱蓋寒鬱而為

也熱疫痢積聚結癖留血停痰黃疸淋閉癰瘡腫目赤障翳

通經墮胎

豐城尉家有貓子死腹中啼叫欲絕醫以硝確之

畜亦驗經疏曰硝者消也五金八石皆能消之況臟腑之積聚乎其直往無前之性所謂無堅不破無熱不蕩者也病非

熱邪深固閉結不通不可輕投恐誤伐下焦真陰故也成無
已曰熱淫於內治以鹹寒氣堅者以鹹軟之熱盛者以寒消
之故仲景大陷胸湯大承氣湯調胃承氣湯皆用芒硝以軟
堅去實熱結不至堅者不可用也佐之以苦故用大黃相須
爲使許譽卿曰芒硝消散破結軟堅大黃推蕩走而不守故
二藥相須同爲峻下之劑王好古曰本草言芒硝墮胎然妊
娠傷寒可下者兼用大黃以潤燥軟堅瀉熱而母子相安經
曰有故無殞亦無殞也此之謂歟謂藥自病當之故母與胎
俱無患也

硝能柔五金化七十二種石爲水生於鹵地刮取煎

鍊在底者爲朴硝在上有芒者爲芒硝有牙者爲馬牙硝置
風日中消盡水氣輕白如粉爲風化硝大黃爲使

本經別錄
朴硝硝石

雖分二種而氣味主治略同後人辨論紛然究無定指李時
珍曰朴硝下降屬水性寒硝石爲造炮礬硝上升屬火性溫
昂按世人用硝從未有取其上
升而溫者李氏之說恐非確論

元明粉

瀉熱潤燥軟堅

辛甘而冷去胃中之實熱蕩腸中之宿垢潤燥破結消腫明

目

血熱去則腫消而目明昂按瀉痢不止用大黃元明粉以推蕩之而瀉痢反止蓋宿垢不淨疾終不除經所謂通因

通用也

朴硝煎化同萊菔煮再用甘草煎入礮火煨以去其

鹹寒之性陰中有陽性稍和緩大抵用代朴硝若胃虛無實

熱者禁用俱忌苦參

太陰元精石

瀉熱補陰

太陰之精鹹寒而降治上盛下虛救陰助陽有扶危拯逆之

功

正陽丹用治傷寒壯熱來復丹用治伏暑熱瀉

出解池通泰積鹽處鹹鹵所結

青白瑩徹片皆六稜者良今世用者多是絳石

赤石脂

重瀉固大小腸

甘而溫故益氣生肌而調中酸而澀故收溼獨行方燉未傳小兒臍中汁出

赤腫止血而固下經疏云大小腸下後虛脫非瀉劑無以固之其他澀藥輕浮不能達下惟赤石脂體重而

瀉直入下焦陰分故為久痢泄瘕要藥仲景桃花湯用之加乾薑粳米療腸瘕泄痢崩帶遺精

癰痔潰瘍收口長肉催生下胞經疏云能去惡血惡血化則胞胎無阻東垣云胞胎不出

瀉劑可以下之又云固腸胃有收斂之能下胎衣無推蕩之峻細膩黏舌者良赤入血分

白入氣分五色石脂各入五臟研粉水飛用惡莖花畏大黃

禹餘糧重瀉固下

甘平性瀉手足陽明大腸胃血分重劑治欬逆下痢血閉癥瘕血

崩能固下李先知云下焦有病人難會須用餘糧赤石脂又能催生石中黃粉生

於池澤無砂者良牡丹為使

赤石脂 禹餘糧 浮石 蓬砂 金石水上部

浮石 一名海石瀉火軟堅

鹹潤下寒降火色白體輕入肺清其上源肺為水上源止渴止嗽

通淋軟堅除上焦痰熱消癭瘤結核頑痰所結鹹能軟堅俞琰席上腐談云肝屬木

當浮而反沉肺屬金當沉而反浮何也以肝實而肺虛也故石入水則沉南海有浮水之石木入水則浮而南海有沉水

香虛實之反如此 水沫日久結成海中者味鹹更良

礪砂 潤生津去痰熱

甘微鹹涼色白質輕故除上焦胸膈之痰熱生津止嗽治喉

痺口齒諸病初覺喉中腫痛含化嚥津則不成痺能柔五金而去垢膩故治噎

膈積塊結核努肉目翳骨哽鹹能軟堅含之嚥汁 出西番者白如明

礪出南番者黃如桃膠能制汞啞銅礪砂礪砂並可作金銀鐸

礪砂 瀉消肉積

鹹苦辛熱有毒消食破瘀治噎膈癥瘕去目翳努肉暖子宮

助陽道

性大熱能爛五金本草稱其能化人心爲血亦甚言不可多服耳凡煮硬肉投少許卽易爛故治噎膈癥

瘕肉積有殊功雞峰方云人之臟腑多因觸胃成病而脾胃最易受觸飲食過多則停滯難化冷熱不調則嘔吐瀉痢而膏粱者爲尤甚口腹不節須用消化藥或言飲食旣傷於前難以毒藥反攻其後不使礪砂巴豆等只用麴蘖之類不知古今立方用藥各有主對麴蘖只能消化米穀如傷肉食則非礪砂阿魏不能治也如傷魚蟹須同橘葉紫蘇生薑傷菜果須用丁香桂心傷水飲須用牽牛芫花必審所傷之因對用其藥則無不愈其間多少則隨患人氣血以增損之而已又有虛人沉積不可直取當以蠟匱其藥蓋蠟能久留腸胃又不傷氣能消磨至盡也又有脾虛飲食遲化者正宜助養脾胃自能消磨更不須用尅化藥耳病久積而成癥瘕者須用三稜鱉甲之類寒冷成積者輕則附子厚朴重則礪石硫黃瘀血結塊者則用大黃桃仁之類用者詳之

出西戎乃鹵液結成狀如鹽塊置

礪砂 礪石

金石水部

冷溼處卽化白淨者良水飛過醋煮乾如霜用畏醋忌羊血

磁石重補腎

辛鹹色黑屬水能引肺金之氣入腎補腎益精除煩祛熱通

耳明目耳爲腎竅腎水足則目明治羸弱周痺骨節痠痛腎主骨驚癇重鎮怯

腫核鹹輒堅誤吞鍼鐵末止金瘡血十劑曰重可去怯磁石鐵粉之屬是也經疏云石藥

皆有毒獨磁石冲和無悍猛之氣又能補腎益精然體重漬酒優於丸散時珍曰一土病目漸生翳珍以羌活勝溼湯加減而以磁末九佐之兩月而愈蓋磁石入腎鎮養眞陰使神水不外移硃砂入心鎮養心血使邪火不上侵佐以神麴消化滯氣溫養脾胃生發之氣乃道家黃婆媒合嬰姁之理方見孫眞人千金方但云明目而未發出用藥微義也○黃婆脾也姁女心也嬰兒腎也色黑能吸鐵者眞火煨醋淬碾末水飛或醋

煮三日夜用柴胡爲使殺鐵消金惡牡丹